



**Verneområdestyret for
Brattefjell-Vindeggen
landskapsvernområde**

Besøksadresse
Skinnarbu
3661 Rjukan

Postadresse
Postboks 2076
3103 Tønsberg

Kontakt
Sentralbord +47 33 37 10 00
Direkte +47 953 00 640
fmvtpost@fylkesmannen.no

Verneområdestyret for Brattefjell-
Vindeggen landskapsvernområde

Sakshandsamar Kristian Kvaalen Herregården

Vår ref. 2025/3310 -

Dato 13.03.2025

Innkalling til styremøte 21.03.25

Det vert med dette kalla inn til møte i verneområdestyret.

Tid: Fredag 21.03.25 kl. 09:00
Stad: Teams

Gje beskjed snarast på 957 93 735 eller krkhe@statsforvalteren.no om du ikkje kan møte.

Saksliste:

- | | |
|----------|--|
| Sak 1/25 | Godkjenning av innkalling og dagsorden |
| Sak 2/25 | Saksframlegg:
Søknad om mellombels oppstilling av campingvogn ved Myklestulvatnet i
Gausdalen i Hjartdal kommune – Roar M. Fjeld |
| Sak 3/25 | Referatsaker |
| Sak 4/25 | Eventuelt |
| Sak 5/25 | Neste møte |



Sak 2/25

Søknad om mellombels oppstilling av campingvogn ved Myklestulvatnet i Gausdalen i Hjartdal kommune – Roar M. Fjeld.

Kort om saka

Roar M. Fjeld har gjennom fleire år hatt ei campingvogn ståande ved Myklestulvatnet i Gausdalen i sumarhalvåret. Bruken har i hovudsak vert retta mot tilsyn og sanking av sau som han har i området. Staden der campingvogna står eigast av Fjeld sjølv.

Han søker no om løyve til å ha campingvogna ståande ved båthuset ved Myklestulvatnet i perioden 1. juni til 1. november 2025, same som tidlegare år. Vogna skal brukast som tidlegare. Fjeld har søkt om tilsvarande tidlegare, og fått løyve til aktiviteten.

Vedlegg

Søknad dagsett 20.01.25 (2025/3337-1).

Andre relevante dokument, ikkje vedlagde

- Verneforskrifta for Brattefjell-Vindeggen landskapsvernområde.
- Naturmangfaldlova (NML).
- Forvaltingsplan for Brattefjell-Vindeggen landskapsvernområde 2017-2027.

Det formelle grunnlaget - verneforskrifta og Naturmangfoldloven

Verneføremålet i Brattefjell-Vindeggen landskapsvernområde er å

- Taka vare på eit vakkert og eigenarta naturlandskap, med urørt høg fjell og fjellskogområde.
- Taka vare på det biologiske mangfaldet i området, med villreinstamme og rikt plante- og dyreliv.
- Taka vare på verdifulle kulturlandskap og kulturminne.

Verneområdestyret må særleg vurdere konsekvensane av ein dispensasjon i høve til verneføremålet og verneverdiane. Dette går og fram av § 7 i naturmangfaldlova, som seier at prinsippa i §§ 8-12 i lova skal leggjast til grunn som retningslinjer ved utøving av offentleg myndigheit.

Kravet til kunnskapsgrunnlaget skal stå i eit rimeleg forhold til sakas karakter og risikoen for å skade naturmangfaldet. Verknadene av eit tiltak skal vurderast ut frå den samla belastinga økosystemet vert utsett for, jf. § 10.

Dersom det ikkje ligg føre tilstrekkelig kunnskap om kva for verknader eit tiltak kan ha på naturmiljøet, skal føre-var prinsippet leggjast til grunn, jf. § 9, slik at ein ikkje gjer vesentleg skade på naturmangfaldet ved at ein tek ei avgjerd på eit for dårleg kunnskapsgrunnlag.

I følgje naturmangfaldslova § 11 er det tiltakshavar som skal dekkje kostnadene ved å hindre eller avgrense skaden som tiltaket vil gjera på naturmangfaldet, dersom dette ikkje er urimeleg ut frå tiltaket og skaden sin karakter. I tillegg skal det etter naturmangfaldlova § 12 takast utgangspunkt i driftsmetodar, teknikkar og lokalisering av tiltaket som ut frå ei samla vurdering av den tidlegare, noverande og framtidige bruken av mangfaldet og økonomiske tilhøve gjev det samfunnsmessig beste resultatet.



Vurdering

Myklestulvatnet og staden der campingvogna ønskast plassert ligg i brukssona. Aktuelt forvaltningsmål for denne sona er at «Områda skal kunne nyttast til landbruksdrift for å sikre næringsgrunnlaget til grunneigarane».

I Brattefjell-Vindeggen ligger dei fleste driftsbygg i brukssona. Forklaringa er at det er nettopp i denne sona vi finner den mest aktive landbruksdrifta. Roar M. Fjeld har fleire gonger tidlegare argumentera med at mangel på driftshusvære i form av sankebu er årsaka til at han trengjer å bruke campingvogna. Fjeld har sau i området og har lang reiseveg mellom garden der han bur og staden han sankar sauane.

Vernereglane kapittel IV punkt. 1.1 seier «Med dei unntak som fylgjer av forskrifta punkta. 2 og 3 er det forbod mot (...), opplag av campingvogner, (...)».

Opplag av campingvogn i landskapsvernområdet vil krevja ein dispensasjon etter naturmangfaldslova § 48. Denne paragrafen opnar for at det kan gis dispensasjon dersom tiltaket eller aktiviteten ikkje strir mot vernevedtakets føremål og ikkje kan påverke verneverdiane nemneverdig. Når det gjeld å påverke verneverdiane nemneverdig, betyr det at det berre kan dispenserast i dei høve der tiltaket vil ha avgrensa verknad for verneverdiane. Det er med andre ord bagatellmessige inngrep og forbigåande forstyrring.

Når det gjeld kunnskapsgrunnlaget er det viktig at ein i denne saka balanserer krav til kunnskap opp mot kva saka gjeld. Det dreier seg om ei campingvogn plassert i enden av ein bilveg. Slik områdeforvaltaren ser det, har plassering av ei campingvogn to klåre negative effektar. Den eine er det estetiske, at det ikkje er fint å ha ei campingvogn ståande i eit naturskjønt område i 5 månader. Den andre negative effekten er dette med at ei campingvogn plassera i strandkanten ved Myklestulvatnet kan vere til hinder for ålmentas og andre grunneigarars bruk av staden. Frå forvaltingsmynde sitt ståstad er det difor viktig at vogna plasserast så skjerma som som mogleg, og at den settast slik at den ikkje står i vegen for ålmenta eller hindrar andre grunneigarar si tilgang.

Det ligg ein opparbeida parkeringsplass om lag 60 meter frå vatnet og båthuset. Forvaltingsmynde meiner at eksisterande parkeringsplass skal nyttast dersom vogna blir eit hinder for ålmenta og andre grunneigarar si tilgang nede ved vatnet/båthuset.

Ut frå generell villreinfagleg kunnskap, kjende kulturminne, botaniske registreringar og naturtypekunnskap, kan ikkje forvaltaren sjå at opplag av campingvogna har avgjerande negativ effekt. Aktiviteten i samband med vogna er knytt opp mot sauehaldet, noko som vil gå føre uansett, jf. NML § 10 om samla belastning. Det er ikkje grunn til å bruke føre-var prinsippet, jf. NML § 9 då ein ikkje ser at aktiviteten i vesentleg grad kan gå ut over føremålet med vernet. Dessutan er ikkje aktiviteten av ein slik dimensjon at ein kan seie det har særleg betyding for samfunnets heilheitsbilete .



Framlegg til vedtak:

Verneområdestyret gjev Roar M. Fjeld løyve til å ha campingvogna ståande i opplag på eiga eigedom ved enden av vegen ved Myklestulvatnet i Gausdalen fram til sauesankinga er ferdig og seinast 01.11.25. Løyvet er gjeve med heimel i NML § 48, og er grunngjeve med at aktiviteten ikkje er til skade for verneverdiar og verneføremål, vidare at det er av betydning for landbruksdrifta på eigedomen.

Det vart sett følgjande vilkår:

- Campingvogna skal være ute av verneområdet seinast 01.11.25.
- Sno og anna skal ikkje vere til hinder for fjerning. Eigar må i så fall brøyte vegen.
- Vogna må stå slik at den ikkje er til nemneverdig hinder for ålmenta og andre grunneigarar si tilgang. Eksisterande parkeringsplass skal nyttast dersom vogna blir eit hinder for ålmenta og andre grunneigarar si tilgang nede ved vatnet/båthuset. Det betyr også kva gjelder moglegheiter til å sette ut og ta opp båtar ol. i Myklestulvatnet.

Det kan klagast på vedtaket til Miljødirektoratet. Klagefristen er tre veker etter at vedtaket er motteke. Kлага rettast til direktoratet, men sendast til Verneområdestyret for Brattefjell-Vindeggen landskapsvernområde.

Vedtaket vert sendt Roar M. Fjeld.

Kopi:

Hjartdal kommune
Statsforvaltaren i Vestfold og Telemark

Kopi av vedtaket vil og bli lasta opp i Miljøvedtaksregisteret.